

Tasdawit n Bgayet  
Tasga n Tutlayt d Yidles n Tmaziyt  
Aseggas Asdawan 2021/2022  
Aseggas amezwaru  
Almud : Tira  
Massa BENAZZOUZ, K

**Tizdit (ajjeriḍ n tuqqna)**

Tizdit, ur telli deg lmenteq, tettban-d kan deg tira n tmaziyt. Tetteqqen gar wawal agejdan d yiwsilen-is. Tettili gar :

- Amyag d yiwsilen-is ;
- Isem d yiwsilen-is ;
- Tanzeḃt d yiwsilen-is.

## 1- Amyag d yiwsilen-is

Nezmer ad neqqen yer umyag s tezditi, kraḍ n yiferdisen :

- Amqim awsil asemmad usrid ;
- Amqim awsil asemmad arusrid ;
- Tazelya n tnilla.

### 1-1- Amqim awsil asemmad usrid

Amqim awsil asemmad usrid, d win i yettuḡalen deg wadeg n usemmad usrid. Yetteqqen srid yer umyag s tezditi.

**Imedyaten :** Yeyra tamsirt.           → Yeyra-tt.  
                  Yečča ayrum.           → Yečča-t.  
                  Yewwet arraw-is.       → Yewwet-iten.

### 1-2- Amqim awsil asemmad arusrid

Amqim awsil asemmad arusrid, d win i yettuḡalen deg wadeg n usemmad arusrid. Yetteqqen srid yer umyag s tezditi. Asemmad arusrid iḡef d-nettmeslay deg tegnit-a, d win i d-teggar tenzeḡt “ i ”.

**Imedyaten :** Yemmeslay i umdakkal-is.       → Yemmeslay-as.  
                  Yura tabrat i gma-s.           → Yura-yas tabrat.  
                  Tessawel i yimawlan-is       → Tessawel-asen.

### 1-3- Tazelya n tnilla “d” akked “n”

Tazelya n tnilla, teskanay-d tanilla (tama) n tigawt n umyag ; ma truḡ-d tigawt yer tama n win i yettmeslayen, nessemmas “d” ; ma truḡ-d tigawt seg win yettmeslayen yer win i wumi yettmeslay, nessemmas “n”. Snat n tzelyiwin-a, tteqqent yer umyag s tezditi.

**Imedyaten :** Yusa-d yer uxxam-nney.

Ssawḍey-**n** lamana almi d yur-wen.

**Tamawin :**

- Imqimen iwsilen akked tzelya n tnilla, akken i nezmer ad ten-naf seld amyag i nezmer day ad ten-naf send amyag. Deg teginatin anda amyag yefti ama yer wurmir s “ad”, ama yer yizri ibaw.

**Imedyaten :** Ad iyer tamsirt. → Ad **tt**-iyer.  
Ur yeyri ara tamsirt. → Ur **tt**-yeyri ara.  
Ad yemmeslay i umdakkel-is. → Ad **as**-yemmeslay.  
Ur yemmeslay ara i umdakkel-is. → Ur **as**-yemmeslay ara.  
Ad **d**-yas.  
Ur **d**-yusi ara.  
Ad **n**-ssiwḍey.  
Ur **n**-ssawḍey ara.

- Tazelya n tnilla “d” akked “n”, tettbeddil talya ma yezwar-itt-id umqim awsil asemmad usrid ; “d” tettuyal d “id” / “n” tettuyal d “in” :

**Imedyaten :** Yufa-**tt**-id.  
Yewwi-**t**-id.  
Ad tent-**in**-awiy.  
Ur **tt**-**in**-ssawḍey ara.

- Ur tettili tezditi gar “ad” n wurmir akked umyag. Ur tettili gar “ur” d “ara” n tibawt akked umyag. Ur tettili dayen gar umatar udmawan akked ufeggag n umyag.

**Imedyaten :** Ad ruḥey yer uyerbaz.  
Ur walay **ara**.  
Txedmed **asenfar**.

## 2- Isem d yiwsilen-is

Ad naf sin n lesnaf n yiwsilen i yetteqnen yer yisem s tezdit : amqim n wayla akked urbib ameskan.

### 2-1- Amqim n wayla

Amqim n wayla, d amqim i yettuyalen deg wadeg n yisem-nniḍen. Amqim-a, yettentāḍ yer yisem s tezdit.

**Imedyaten** : Tawwurt n uxxam. → Tawwurt-**is**.

Tajmaet n yirgazen. → Tajmaet-**nsen**.

Yella day umqim n timarrewt (udem amezwaru asuf, d war amqim awsil).

**Imedyaten** : Baba, yemma ...

Gma-**k**, wletma-**tney** ...

Jeddi-**twen**, jeddi-**tsent** ...

### 2-2- Arbib ameskan

Arbib ameskan, d amqim i yettentāḍen yer yisem s tezdit, yis-s i nezmer ad d-nesken amdan ney taḡawsa ney ayen-nniḍen. Yebḍa s timmad-is yef ukuz n lesnaf :

#### 2-2-1- Ameskan n tizin

Mi ara d-nesken ayen i iqerben yur-ney.

**Imedyaten** : axxam-**a**, argaz-**a**, taqcict-**a**, azeḡḡig-**a** ...

#### 2-2-2- Ameskan n waggug

Mi ara d-nesken ayen i ibeeden fell-aḡ maca nettwali-t.

**Imedyaten** : taddart-**ihin**, tamettut-**ihin**, tazemmurt-**ihin** ...

### 2-2-3- Ameskan n ubdar

Mi ara d-nebder amdan ney kra-nniḍen d abdar kan.

**Imedyaten** : aḥriq-**nni**, aḡerbaz-**nni**, amyār-**nni**, asefru-**nni** ...

### 2-2-4- Ameskan n tiḍent

Mi ara d-nemmeslay yef kra n tyawsa-nniḍen nnig tin i yellan yakan.

**Imedyaten** : Seiḡ axxam-**nniḍen**.

Yuḡ-d takerrust-**nniḍen**.

Yerna-d tamettut-**nniḍen**.

**Tamawt** :

Ama d amqim n wayla ama d arbib ameskan, ttasen-d kan seld isem, ur zmiren ara ad d-asen uqbel-is.

### 3- Tanzeyt d yiwsilen-is

Nemmeslay-d deg tazwara n temsirt-a yef umqim awsil asemmad arusrîd, i d-yekkan seg usemmad arusrîd i d-teggar tanzeyt “ i ”. Ma d tura ad d-nemmeslay yef usemmad n tanzeyt i d-ggarent tenzay-nnîden i yecban : seg, deg, yef, yer ... D asemmad n tanzeyt i yettuyalen d amqim awsil n tanzeyt.

**Imedyaten :**      Grey aewin deg **uđellaæ**.                      → Grey aewin deg-**s**.  
                         Terzef yer **yimawlan-is**.                      → Terzef yer-**sen**.

Amqim awsil n tanzeyt, yettentad yer tanzeyt s tezdîd. Yettas-d dima seld tanzeyt, ur yezmir ad d-yas uqbel-is.